

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 100. stav (2) Zakona o zrakoplovstvu Bosne i Hercegovine ("Službeni glasnik BiH", br. 39/09 i 25/18), na prijedlog Ministarstva komunikacija i prometa Bosne i Hercegovine, Vijeće ministara Bosne i Hercegovine, na 45. sjednici održanoj 9. aprila 2024. godine, donijelo je

**ODLUKU
O USPOSTAVLJANJU PROGRAMA SIGURNOSTI
CIVILNOG ZRAKOPLOVSTVA
BOSNE I HERCEGOVINE**

Član 1.

(Predmet Odluke)

Ovom odlukom uspostavlja se Program sigurnosti civilnog zrakoplovstva Bosne i Hercegovine (u daljnjem tekstu: Program sigurnosti BiH).

Član 2.

(Cilj Programa sigurnosti BiH)

Program sigurnosti BiH se uspostavlja sa ciljem poštivanja i primjene međunarodnih konvencija i protokola koji se odnose na akte nezakonitog ometanja usmjerene protiv civilnog zrakoplovstva, njegovih objekata i sredstava, a u interesu sigurnosti i efikasnosti međunarodnog i domaćeg civilnog zrakoplovstva.

Član 3.

(Struktura Programa sigurnosti BiH)

Program sigurnosti BiH čine opći dio i prilozi.

Član 4.

(Revizija Programa sigurnosti BiH)

- (1) Program sigurnosti BiH se revidira najmanje jednom u dvije godine.
- (2) Reviziju Programa sigurnosti BiH pokreće Direkcija za civilno zrakoplovstvo Bosne i Hercegovine.

Član 5.

(Distribucija Programa sigurnosti BiH)

Direkcija za civilno zrakoplovstvo Bosne i Hercegovine vrši distribuciju Programa sigurnosti BiH svim subjektima nadležnim i odgovornim za njegovu primjenu.

Član 6.

(Prijelazne i završne odredbe)

- (1) Program sigurnosti BiH stupa na snagu osmog dana od dana objavljivanja Odluke o uspostavljanju Programa sigurnosti BiH u "Službenom glasniku BiH".

- (2) Stupanjem na snagu ovog Programa sigurnosti BiH prestaje da važi Program sigurnosti BiH, broj: 01-29-8-327/08, od 31.1.2008. godine.
- (3) Članice sistema sigurnosti dužne su u roku od 12 mjeseci od stupanja na snagu ove Odluke donijeti podzakonske akte iz svoje nadležnosti navedene u prilogu IV Programa sigurnosti BiH koji se uspostavlja ovom Odlukom.
- (4) Do donošenja podzakonskih akata iz stava (3) ovog člana primjenjuju se podzakonski akti doneseni na osnovu Programa sigurnosti BiH, broj: 01-29-8-327/08 od 31.1.2008. godine ukoliko nisu u suprotnosti sa ovim programom i važećim zakonima Bosne i Hercegovine.

Član 7.

(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 73/24
9. aprila 2024. godine
Sarajevo

Predsjedavajuća
Vijeća ministara BiH
Borjana Krišto, s. r.

